

SAOPĆENJE ZA JAVNOST

povodom donošenja odluke direktora Agencije za statistiku BiH kojim usvaja Jedinstveni program obrade podataka

Dana 18.05.2016.godine, direktor Agencije za statistiku BiH je donio Odluku kojom usvaja Jedinstveni program obrade podataka čime je omogućen nastavak rada na obradi podataka i objava istih u zakonskom roku.

Federalni zavod za statistiku pozdravlja odluku direktora Agencije za statistiku Bosne i Hercegovine Jukića kojom je utvrdio Jedinstveni program obrade podataka u skladu sa Zakonom o statistici BiH, Zakonom o popisu i međunarodnim preporukama.

Povodom izjava iznesenih u medijima da je direktor Jukić donio odluku bez saglasnosti članova Centralnog popisnog biroa, entitetskih zavoda za statistiku i zamjenika direktora Agencije za statistiku ističemo da takvu saglasnost direktor Agencije nije ni trebao. U prilog tome govore članovi 20. stav (1) tačka c) Zakona o Popisu, član 21 stav (1) tačka c), član 24.stav (2) tačka f.) Zakona o popisu kojim je propisano da Agencija utvrđuje, entitetski zavodi za statistiku učestvuju u izradi Jedinstvenog programa a Centralni popisni biro razmatra isti.

Da direktoru Jukić nije trebao saglasnost svojih zamjenika propisano je u čl. 61. i 62. Zakona o upravi BiH i članu 9. Zakona o statistici BiH prema kojima direktor Agencije predstavlja Agenciju, osigurava zakonito i efikasno obavljanje poslova, donosi propise i izdaje druge akte, kao i preuzima druge mjere iz nadležnosti Agencije. Prema članu 62. Zakona o upravi BiH rukovodioca može zamijeniti njegov zamjenik samo kada on nije u mogućnosti obavljati svoja ovlaštenja i obaveze date zakonom, a što potvrđuje i član 9. Zakona o statistici BiH.

Federalni zavod za statistiku nije iznenađen utvrđivanjem Jedinstvenog programa za obradu podataka od strane direktora Agencije za statistiku BiH, obzirom da bi bilo kakvo drugačije postupanje bilo u suprotnosti sa pozitivim zakonskim propisima, ali žalimo što ova odluka nije donesena i ranije.

Federalni zavod za statistiku će uložiti maksimalne napore da se u ovom kratkom vremenskom roku, koji je ostao, proces objavljivanja podataka Popisa dovede do kraja.

Broj: 01-05.2-840/16

Sarajevo, 18.05.2016.godine



DIREKTOR
Dr Emir Kremlj
Dr Emir Kremlj